

इवनिंग डोगरी न्यूज़ बुलेटिन
समे-18:15 Hrs

Headlines

- 1 प्रधानमंत्री नरेंद्र मोदी हों एनडीए सांसदें गी अपील कीती ऐ जे ओहू संसद दे नियम कायदें दी पालमा करन ते संसद गी लोकतंत्र दे सिद्धांतें मुजब चलदे होई बेहतर व्यवहार करन।
- 2 प्रधानमंत्री नरेंद्र मोदी हों आखेआ जे उंदी सरकार पूरी चाल्ली कन्नै भात पैहले दे आदर्श वाक्य कन्नै निर्देशित ऐ ते भ्रष्टाचार गी जरा बी नेई बर्दाश्त करने दी नीति गी हाल दे लोकसभा चुनाएं च समर्थन थ्होआ ऐ।
- 3 उपराज्यपाल मनोज सिन्हा हों मुहर्रम दे इंतजामें दी उच्च सतह दी बैठक दौरान समीक्षा कीती। उनें डिप्टी कमिशनरें ते एसएसपी-एं ते होरनं अफसरें गी निर्देश दित्ता जे ओहू शिया समुदाय दे मिम्बरें ते धार्मिक नेताएं कन्नै बैठक करिए मामलें दा हल करन।
- 4 सुरक्षाबलें उत्तरी कश्मीर दे कुपवाड़ा जिले च तपाशी अभियान दौरान असला ते बरूद बरामद कीता।

<><><><><>

PM-NDA Meet

प्रधानमंत्री नरेंद्र मोदी हों एनडीए सांसदें अगै अपील कीती ऐ जे ओहू संसद दे नियम कायदें दी पालमा करन, संसद गी लोकतंत्र दे सिद्धांतें मताबक चलांदे होई बेहतर व्यवहार करन। नमीं सरकारै दे गठन मगरा नमीं दिल्ली च एनडीए संसदीय दल दी पहली बैठक गी संबोधित कदे होई प्रधानमंत्री हों एहू गल्ल आक्खी। बैठक मगरा किरिन रिजिजू हों मीडिया कन्नै गल्ल करदे होई आखेआ जे प्रधानमंत्री हों इस गल्ला पर बी बल पाया जे हरेक सांसद गी लोडचदा ऐ जे भाएं ओहू कुसै बी पार्टी दा होए, उसी देसै दी सेवा ताई चुनेया गेआ ऐ ते राष्ट्र दी सेवा औदी सब्बनं शा बड्डी जिम्मेदारी ऐ। श्री मोदी हों सब्बनं सांसदें अगै अपील कीती जे ओहू अपने परोआरें गी प्रधानमंत्री संग्रहालय दस्सन।

<><><><><>

LS-PM

प्रधानमंत्री नरेंद्र मोदी हों लोकसभा च आखेआ जे उंदी सरकार पूरी चाल्लीं कन्नै भारत पैहले दे आदर्श वाक्य कन्नै निर्देशित ऐ ते भ्रष्टाचार गी जरा बी नेई बर्दाश्त करने दी नीति गी हाल दे लोकसभा चुनाएं च लोकें दा समर्थन थ्होआ ऐ। मोदी हों आखेआ जे उंदी सरकार नै सब्बनं आस्तै न्याय ते कुसै दा तुष्टिकरण नेई करने दी नीति अपनाई दी ऐ। प्रधानमंत्री हों लोकसभा च दौनं सदनं दी सांझी बैठक च राष्ट्रपति द्रौपदी मुर्मू हुंदे अभिभाषण दे धन्नवाद प्रस्ताव पर परता दिंदे होई आखेआ जे विपक्ष दा दर्द ओहू समझी सकदे न। प्रधानमंत्री हों आखेआ जे दुष्प्रचार दे बावजूद विपक्ष गी लोकसभा चुनां च करारी हार दा सामना करना पेआ। उनें आम चुनाएं च परिपक्व सोच ते समझदारी दस्सने आस्तै देशै दी जनता दी सराहना कीती। प्रधानमंत्री हों आखेआ जे लोकें उंदी सरकार दी नीतिएं, इरादें ते समर्पण पर भरोसा जताया ते एनडीए गी लगातार त्री बारी सत्ता च वापस आनने आस्तै वोट कीता। चर्चा पर प्रधानमंत्री हुंदे जवाब दौरान बक्ख-बक्ख मुद्दें पर विपक्षी सांसदें विरोधी प्रदर्शन कीता। लोकसभा स्पीकर ओम बिरला हों विपक्ष दे आचरण पर नाराजगी जाहिर कीती ते सदन च बवस्था बनाई रखने दा आग्रह कीता।

<><><><><>

Motion of Thanks LS

लोकसभा च चर्चा च हिस्सा लैंदे होई समाजवादी पार्टी दे अखिलेश यादव हों आखेआ जे मौजूदा सरकार कश पूर्ण बहुमत दी जित्त ऐ। श्री यादव हों भारतीय अर्थ बवस्था पर सोआल पुट्टेदे होई गलाया जे भारत दे दुनिया दी 5मीं सब्बनं शा बड्डी अर्थ बवस्था बनने दे बावजूद फ्ही जना आमदन अजें बी घट्टे ऐ। उनें पेपर लीक होने दा मुद्दा बी पुट्टेया। बीजेपी दे संतोष पांडे हों विपक्ष दे लीडर राहुल गांधी हुंदी कल कथित तौरा पर इक्क समुदाय विशेष पर कीती गेदी टिप्पणी पर ऐतराज जताया। राज्यसभा च चर्चा च हिस्सा लैंदे होई एजीपी दे वीरेंद्र प्रसाद वैश्य हों असम दे 6 समुदायें गी अनुसूचित जनजाति दी सूचि च शामिल करने दा मुद्दा पुट्टेया। श्री वैश्य हों मंग कीती जे असम च हाड ते कटाव गी राष्ट्री समस्या घोषित कीता जाना लोडचदा ऐ।

<><><><><><>

Add-Motiong of thanks

शिरोमणि अकाली दल दी हरसिमरत कौल बादल नै करसानें दे मुद्दें दा हल कीते जाने दी मंग कीती। उनें पंजाब च नशीली दोआइए दे खतरे गी बी पुट्टेया। आल इंडिया मजलिसें इत्तेहादुल मुस्लेमीन एमाम दे असुद्दीन ओवैसी होरें बेरोजगारी ते विधानसभा च मुसलमानें दी घट्ट नुमायंदगी दा मुद्दा पुट्टेया। कांग्रेस दे गौरव गोगोई होरें असम च हाल च गै होए दे हाड़ें दा मुद्दा पुट्टे होई केंद्र सरकार थमां राज्य च राहत अभियान ताई राश्ट्री आपदा मोचन बल दे दल गी भेजने दी अपील कीती। हाल च गै होए दे लोकसभा चुनाएं पर श्री गोगोई होरें आखेआ जे लोकें इक्क मजबूत विपक्ष गी चुनेया ऐ। आजाद समाज पार्टी दे चंद्रशेखर होर जाति पर आधारित जनगणना दी मंग कीती। बीजेपी दे अजय भट्ट होरें लोकें पर होआ करदे अत्याचारें आस्तै कांग्रेस पर सोआल पुट्टे। उनें इब्बी आरोप लाया जे कांग्रेस संविधान गी कमजोर करा करदी ऐ। इस्सलै लोकसभा च चर्चा जारी ऐ।

<><><><><><>

Parliament-Lalan Singh

केंद्री मंत्री ते जनता दल युनाइटेड दे लीडर राजीव रंजन सिंह उर्फ ललन सिंह होरें अज्ज लोकसा च विपक्ष दे लीडर राहुल गांधी हुंदी कल्लै दी टिप्पणी गी लेइये निंदेआ कीती। उनें आरोप लाया जे राहुल गांधी हुंदे भाषणै च सार ते सच्चाई दौनें दी कमी ऐ। उनें आखेआ जे हालांकि श्री गांधी होरें विपक्ष दे लीडर दा बड़ा महत्वै आहला साम्भेया ऐ पर उंदे भाषण आम रैलियें बरोबर ना। श्री सिंह होरें इब्बी आरोप लाया जे राहुल होर तथ पेश करने दे बजाय शड़ा आरोप गै लांदे ना।

<><><><><><>

Reddy-Mines Exhibition

खाने सरबंधी मैहकमे दे मंत्री जी. किशन रेड्डी ते राज्यमंत्री सतीश चंद्र दुबे होरें अज्ज नमीं दिल्ली दे शास्त्री भवन च जिला खनिज फाउंडेशन डीएमएफ गैलरी दा उद्घाटन कीता। प्रधानमंत्री खनिज क्षेत्र कल्याण योजना तैहत बने दे स्वयं सेवा सहायता समूहें दियें चीजें-बस्तें दी प्रदर्शनी इस गैलरी च लाई गेदी ऐ। कार्पोरेट सामाजिक जिम्मेदारी तैहत खनन कंपनियें स्वयं सेवा सहायता समूहें दे उत्पादें गी सर्मिन दित्ता ऐ। श्री रेड्डी होरें आपुं इनें समूहें पाससेआ तैयार कीते गेदे उत्पादें दी सराहना कीती। मीडिया कन्नै गल्ल-कत्थ करदे होई आखेआ जे डीएमएफ पहल प्रधानमंत्री नरेंद्र मोदी हुंदे नजरिये मताबक ऐ। श्री रेड्डी होरें आखेआ जे भारत दे 650 शा बद्द जिलें दा ध्यान खनन प्रभावित क्षेत्रें च सशक्तिकरण, रोजगार सृजन ते महिलाएं दे कन्नो-कन्नो नौजोआनें दी भलाई बेहतरी पर ऐ। उनें गलाया तकरीबन 18 ज्हार परियोजनां मुकम्मल होई चुकी दियां न ते औने आहले दिनें च इस्सै चाल्ली दे और मते उबड़ा चुक्कने आहले कम्म जारी रौहडन तां जे लोकें गी मते शा मता लाहू पुज्जी सकै।

<><><><><><>

Kausar Naag yatra

कश्मीर घाटी दी कौसर नाग झील तगगर चलने आहली सालाना कौसर नाग यात्रा 7 जुलाई थमां रम्भ होआ करदी ऐ। केई भक्त इस झील गी भगवान विष्णु कन्नै जोड़दे ना। दक्खन कश्मीर दे कुलगाम जिले च स्थित कौसर नाग झील दी यात्रा 2010 च जम्मू खित्ते च रियासी जिले थमां मकामी लोकें दे इक्क समूह आस्सेआ रम्भ कीती गेई ही। इस बारे रियासी दे डीसी विपेश महाजन होरें दस्सेया।

<><><><><><>

CJI-Court

भारत दे मुख न्यायधीश डी.वाई चंद्रचूड़ होरें अज्ज न्या पालिका दे मूल सिद्धांतें दे रूपै च न्या ते बरोबरी पर बल पाया। दिल्ली दे कडकडडूमा चै न्यायालय भवनें दे निर्माण ताई नींह पत्थर रखने आहले समारोह च अपने संबोधन च श्री चंद्रचूड़ होरें आखेआ जे अदालत शड़ी इट्टे-पत्थरें कन्नै नेई सगुआं आम लोकें दियें आसें-मेदें कन्नै बनदी ऐ। उनें आखेआ जे अदालतां मनमर्जी फैसले नेई सगुआं जनता गी कनून रायं प्रशासनिक बवस्था देने आस्तै बनाई गेदियां ना। इस मौके पर दिल्ली हाई कोर्ट जस्टिस मनमोहन, सुप्रीम कोर्ट जस्टिस हिमा कोहली, जस्टिस अमानुल्लाह, दिल्ली दे उपराज्यपाल वी.के सक्सेना ते लोक कल्याण मैहकमे दे मंत्री आतिशी मौजूद हियां।

<><><><><><>

LG-Muharram

उपराज्यपाल मनोज सिन्हा होरें मुहर्रम ताई लोडचदे प्रबंधें दी समीक्षा करने आस्तै अज्ज सिविल सचिवालय श्रीनगर च इक्क उच्ची सतह आहली बैठक दी प्रधानता कीती। श्री सिन्हा होरें डी.सी.ए-एसएसपी-एंग ते होरनें अफसरें गी निर्देश दित्ते जे ओहू शिया समुदाय दे धार्मिक लीडरें ते मुख् मुख् मिम्बरें कन्नै बैठकां लान तां जे उंदे मुद्दें गी हल कीता जाई सकै तां जे मुहर्रम गी सुचारू ढंग्गै सिर मनाया जाई सकै। उनेंजिला प्रशासन ते सीनियर अफसरें गी निर्देश दित्ता जे ओहू इमामबाड़े तगर बेहतर शिडक संपर्क, बिजन कटौती दे बिजली ते पानी दी सप्लाई, सफाई-सुथराई टकोहदे तौरा पर इमामबाड़ें ते उंदे आले दोआले लोडचदी मिकदार च राशन ते होर दुइयें स्थूलतें गी यकीनी बनाया जा।

<><><><><><>

Arms-Ammunition

उत्तरी कश्मीर दे कुपवाड़ा जिले च तपाशी अभियान दौरान सुरक्षा बलें हथियार ते गोला बारूद बरामद कीता। पुलिस सूत्रें मुजब कुपवाड़ा पुलिस थमां थहोई दी टकोहदी जानकारी दी बिनाह पर सुरक्षा बलें उत्तरी कश्मीर दे जिले दे नांगरी जंगल, दर्दपोरा ते कालपोरा दे इलाकें च तपाशी अभियान चलाया। सूत्रें दस्सेया जे बरामदगी च हथियारें ते गोला-बारूद दा जखीरा पकड़ च आया जिंदे च 8 ए.के.मैगजीनां, 445 रौंद, 1 पस्तोल, ए.के.रौंद, पस्तौल दे 13 रौंद ते इक्क हथगोला शामिल ऐ।

<><><><><><>

Shri Amarnath Yatra

श्री अमरनाथ जी दी पवि गुफा च मत्था टेकने लेई मुख् भरै दे अलावा बाहरले देशें थवां बी लोग औंदे ना। सालाना यात्रा प्रति लोकें दी खासी आस्था ऐ। इस यात्रा दा धार्मिक ते ऐतिहासिक महत्ता बी ऐ। एहू यात्रा बक्ख-बक्ख संस्कृतिएं दे लोकें बश्कार रिश्ते दी तंदें गी मजबूत करने च बी महत्वै आली भूमिका निभांदी ऐ। इस सालाना यात्रा कन्नै खित्ते दी आर्थिक बाद्दा विकास हुंदा ऐ ते एहू यात्रा ट्रांसपोर्टरें, घोडा खच्चर आले, पिट्ठू, दुकानदार, होटल आले, कलाकों, रेहड़ी-फड़ी आलें गी रोजगार कमाने दा मौका दिंदी ऐ। इस यात्रा लेई केंद्र शासित प्रदेश दे प्रशासन आस्सेआ लोडचदे बंदोबस्त कीते गेदे ना। प्रशासन लगातार सहूलतें च बाद्दा विस्तार करा रदा ऐ। यात्रिएं दी सुविधा लेई लंगर, सेहत सहूलतां ते होर दुए बंदोबस्त बी कीते जंदे न तां जे यात्रा सुचारू ढंग्गै सिर सम्पन्न होई सकै।

<><><><><><>

SCO-Meeting

कजाखिस्तान दी प्रधानता च शंघाई सहयोग संगठन एससीओ परिषद दे मुख् दे 24मीं बैठक औंदी 4 जुलाई गी लगगोग। विदेश मंत्री डॉ. एस जयशंकर अस्ताना च शंघाई सहयोग संगठन-एससीओ सम्मेलन च भारतीय दल दी नुमायंदगी करंगन। बैठक च क्षेत्रीय ते अंतरराष्ट्रीय महत्व आहले मौजदा समें दे मुद्दें पर चर्चा होने दी संभावना ऐ। विदेश मंत्री नै आखेआ ऐ जे प्रधानमंत्री नरेंद्र मोदी हुंदे नजरिये मताबक भारत दी प्राथमिकता सेक्योर एससीओ दी ऐ। सेक्योर दा मतलब ऐ सुरक्षा, आर्थिक सहयोग, संपर्क, एकता, सम्प्रभुता ते इलाकाई अखंडता दा सम्मान ते पर्यावरण संरक्षण। भारत नै पैहली बारी एससीओ परिषद दी प्रधानता करदे होई जंदे बरै 4 जुलाई गी वर्चुअल ढंग्गै रायं बैठक दा सरिसता कीता हा।

<><><><><><>

HADP-Reasi

समग्र कृषि विकास कार्यक्रम तैहत करसान संपर्क अभियान 3 दा उद्घाटन कल रियासी जिले दे 12एं ब्लाकें दियां बक्ख-बक्ख पंचैतें च कीता गेआ। एहू अभियान जिले दे डीसी श्री विशेष महाजन हुंदे दिशा-निर्देश हुंदे मार्गदर्शन च रम्भ कीता गेआ ऐ जेडे समग्र कृषि विकास कार्यक्रम दे प्रधान बी ऐन। किसान संपर्क अभिया-3 दा मकसद समग्र कृषि विकास कार्यक्रम बारै लोकें गी जागरूक करना ते करसानें दी भलाई बेहतरी आस्तै एच.ए.डी.पी तहत परियोजनाएं दी अमलावरी च तेजी आनना ऐ। अज्ज जिले दिएं 12एं थाहरें पर करसानें गी सिखलाई देने आस्तै सिखलाई कार्यक्रमें दा सरिस्ता कीता गया।

<><><><><><>

DC-Kathua ICDS

कठुआ दे डी.सी डॉक्टर राकेश मिन्हास होरें आई.सी.ड.एस दे जमीनी अमले ताई पोषण बी पढाई बी पैहल तैहत सिखलाई कार्जक्रमें दी इक्क शृंखला दा कल उद्घाटन कीता। इस पहल दा मकसद कम करने आहलें गी व्यापक जानकारी ते लोडचदे कौशल कन्नै लैस करना ऐ, जेडा बच्चें दे शुरूआती बरै दौरान उंदे पोषण आस्तै महत्वै आहला ऐ। इस मौके बोलदे होई श्री मिन्हास होरें कार्जक्रम दे मूल मकसद गी उजागर कीता।

<><><><><><>

South West Monsoon

दक्खन पच्छिम मानसून देसै दे सब्बनें हिस्सें च पुज्जी गेआ ऐ। मानसून नै पैहले कोला तय समें थमां 6 ध्याडे पैहले गै देसै च दरवाजा ठोरी दित्ता ऐ। मौसम विभाग नै आखेआ ऐ जे मानसून राजस्थान, हरियाणा ते पंजाब दे बाकी हिस्सें च पुज्जी गेआ ऐ। गुजरात, बिहार, मध्य प्रदेश, उत्तर प्रदेश, मणिपुर, मिजोरम, त्रिपुरा ते मेघालय दियें बक्ख-बक्ख थाहरें पर बडी मती बरखा भरी। मैहकमे मुजब पच्छिमोत्तर पूर्वी ते पूर्वोत्तर भारत च अगले 4 शा 5 दिनें च मानसून सक्रिय होने दी संभावना ऐ।

<><><><><><>